

Láhka

boazodoalu ja luondduealáhuseid struktuvradoarjjalága rievdadeamis

Riikkabeivviid mearrádusa mielde
gomihuvvojit boazodoalu ja luondduealáhuseid struktuvradoarjjalága (986/2011) 31 §:a 3 momeanta, 34 §:a 1 momeantta 5 čuokkis, 53 §:a 5 momeanta, 19 lohku ja 113 §:a 2 momeanta,
rievdaduvvojit 2 ja 3 §, 6 §:a 1 momeantta 2 ja 3 čuokkis sihke 3 momeanta, 10, 11, 22 ja 26 §, 36 §:a 2 momeantta 1 čuokkis, 37 §:a 1 momeanta, 38 §:a 1 čuokkis, 43 §:a 1 momeanta, 44 §:a 1 momeanta, 45 §:a 3 momeanta, 48 ja 49 §, 52 §:a 2 momeantta 2 čuokkis, 57 §, 61 §:a 1 momeanta, 70 §:a 4 momeanta, 73 §:a 3 momeanta, 89 §, 91 §:a 2 momeantta 3 čuokkis, 92 §, 94 §:a 2 ja 5 momeanta, 97 §:a 2 momeanta sihke 111, 114 ja 117 §; sihke
lasihuvvo 4 §:ii ođđa 3 momeanta ja láhkii ođđa 14 a §, čuovvovaččat:

2 §

Heivehansuorgi

Dát láhka heivehuvvo doarjagii, mii mieđihuvvo boazodoalu ja eará luondduealáhuseid struktuvrra ja doaibmavejolašvuodaid buoridan ja ovddidan dihte ja mii ruhtaduvvo ollásit dahje muhtun muddui Eurohpá Uniovnna ruđain dahje aivvestassii riikkadási ruđain. Guolástussii dát láhka heivehuvvo sierra ovdduid hárrái. Dát láhka ii heivehuvvo boazoáiddi, man Suopma lea geatnegahtton ráhkadit riikkaidgaskasaš soahpamuša vuodul, ruhtadeapmái iige dan bajásdoallangoluide.

Doarjagiin, mat mieđihuvvojit eanadoalu struktuvrra buorideapmái, mearriduvvo eanadoalu struktuvradoarjjalágas (1476/2007). Dát láhka goittotge heivehuvvo, jos boazodálus dahje luondduealáhused jodihuvvon eanadoalus fidnejuvvon fitnodatolmmošboadut báhcet vuolábeallai dan uhcimusmeari, mii lea eaktun doarjaga mieđiheapmái namuhuvvon lága dahje dan vuodul mearriduvvon ákkaid vuodul dahje jos boazodoalu ossodat guoskevaš fitnodatolmmošboaduin sierranassii manná badjel namuhuvvon uhcimusmeari.

Doarjagiin, mat mieđihuvvojit boazodoallobuktaga ja eará eanadoallobuktaga vuosttasdási ovddosdikšumii ja vuovdaleapmái sihke boazodálu dahje luondduealáhused doaimma viiddideapmái boazodoalu dahje eará luondduealáhuseid olggobeallai, mearriduvvo dálanguovllu ovddidandoarjjalágas (28/2014). Dát láhka heivehuvvo goittotge bálgosiid njuovahagaid ordeninvesteremiidda ja dálus dáhpáhuvvi dakkár doibmii, masa lea dárbu ealli- dahje šaddobuktaga válmmaštan dihte vuosttasdási vuovdima várás.

Láhka ii heivehuvvo doarjagii iige buhtadussii, mii mieđihuvvo eanadoaluin bargi olbmo buvttandoaimmas luohpamii. Láhka ii heivehuvvo fidnui iige doaibmabidjui, mii lea dorjjuvvon nuortalašlága (253/1995) vuodul.

Earret sierra ovdduid láhka ii maiddái heivehuvvo Eurohpá Uniovnna struktuvrafoanddaid dahje Eurohpá mearra- ja guolledoallofoandda ruđain ruhtadit oaivvilduvvon doarjagii iige Eurohpá Uniovnna oktasaš guolástanpolitihka suorgái gullevaš doaibmabidjui.

3 §

Doarjjavuogádagat

Dán lágas doarjjavuogádagaiguin oaivvildit:

- 1) ealáhusbargi investerendoarjaga;
- 2) nuorra ealáhusbargi álggahandoarjaga;
- 3) ealáhusbargi vistehuksendoarjaga;
- 4) bálgosa investerendoarjaga;
- 5) bálgosa áiddiid bajásdoallandoarjaga;
- 6) dutkanruhtadeami; ja
- 7) sierra ovdduid.

Stáhtaráđi ášahusa vuodul mearriduvvo, guđemužžii 1 momeanttas namuhuvvon doaimmain dán lága mielde mearriduvvon doarjaga sáhtá mieđihit.

4 §

Eatnandieđalaš heivehansuorgi

Dán lága vuodul addit oaivvilduvvon stáhtaráđi ášahussii sáhtá laktit kárta 2 momeanttas oaivvilduvvon guovllus.

6 §

Meroštallamat

Dán lágas oaivvildit:

2) luondduealáhusaiguin boazodoalu sihke eará eanadoalu; eará eanadoallun gehččojuvvo dalle eará luondduealáhusa oktavuodas smávvat jođihuvvon dábalaš eanadoallobuvtadeapmi, ámmátlágan meahcebevdu, murjen ja guopparčoaggin sihke, earret guolástusa ja vuovdedoalu, luonddu joatkašuvvi buvttadannávccaide vuodđuduvvi luondduriggodagaid eará ávkinatin;

3) luondduealáhussii gullelaš ealáhusain guolástusa ja vuovdedoalu sihke dakkár ealáhusdoaimma, mii jođihuvvo luondduealáhusa oktavuodas dakko bokte go dat guoská luondduealáhusain dárbblaš bargoneavvuid ráhkadeapmái ja ordnemii, luondduealáhusa doarju bálvalandoibmii dahje luondduealáhusas fidnejuvvon buktagiid ovddosdikšumii;

Stáhtaráđi ášahusa vuodul sáhtá addit dárkilet njuolggadusaid luondduealáhussan geahččat oaivvilduvvon eanadoalus sihke boazododáluin ja luondduealáhusdáluin. Stáhtaráđi ášahusa vuodul addojuvvojit maiddái dárkilet njuolggadusat luondduealáhussii gullelaš ealáhusain sihke das, mo daid sáhtá váldit vuhtii boazodaollo- ja luondduealáhusfitnodagaid doarjjadokálašvuoda árvvoštaladettiin.

3 lohku

Doarjaga oažžuma oppalaš eavttut

10 §

Doarjjaoažžu

Ealáhusa jodihandoarjaga, vistehuksendoarjaga ja sierra ovdduid sáhtta mieđihit ovttaskas olbmui. Bálgosii sáhtta mieđihit investerendoarjaga ja bálgosa áididid bajásdoallandoarjaga. Dutkanruhtadeami sáhtta mieđihit ovttaskas olbmui, priváhta- ja almmosjuridihkalaš servošii sihke vuodđudussii.

Doarjaga sáhtta mieđihit seamma doaibmabidjui moanaide ovttaskas olmuide ovttas, jos dat buohkat devdet doarjaga mieđihaneavttuid.

Ovttaskas olmmoš galgá leat badjel 18-jahkásaš, go ohcá doarjaga. Ássanvistti huksemii, viiddideapmái dahje ordnemii ii mieđihuvvo doarjja badjel 60-jahkásaš olbmui iige eará doarjja badjel 65-jahkásaš olbmui.

Bálgosii sáhtta mieđihit doarjaga dušše dalle, jos dat deavdá boazodoallolágas ásahuvvon geatnegahttimiid.

11 §

Doarjunvuloš doaibmabiju álggaheapmi

Ealáhusbargi investerendoarjja, ealáhusbargi vistehuksendoarjja, bálgosa investerendoarjja ja dutkanruhtadeapmi eai mieđihuvvo ealáhusbargi, bálgosa dahje dutkanruhtadeami ohcci dakkár doaibmabidjui, mii lea juo álggahuvvon. Bálgosa áididid bajásdoallandoarjja ii mieđihuvvo, jos áidid leat bajásdoallagoahtán juo ovdalge ohcamuš biddjojuvvui johtui. Nuorra ealáhusbargi álggahandoarjja ii mieđihuvvo, jos dálloallu lea álggahuvvon juo ovdalge doarjjaohcamuš lea biddjojuvvon johtui.

Nuppeláhkai go ovdalis 1 momenttas daddjojuvvon, de bálgosii sáhtta mieđihit doarjaga dakkár investeremii, man lea ferten ollašuhhtigoahtit eará oassebeallái go boazodoallái čuohcci vahága hehtten dihte dahje bálgosii gulakeahtes siva dihte duššan dahje billašuvvan áidid buhtten dihte.

Stáhtarádi ásahusa vuodul addojuvvojit dárkilet njuolggadusat das, goas doaibmabiju sáhtta geahččat álggahuvvon. Stáhtarádi ásahusa vuodul sáhtta addit dárkilet njuolggadusaid maiddái das, goas álggaheapmi lea vealtameahttun 2 momeanttas oaivvilduvvon siva dihte.

14 a §

Sierralágan doarjagat

Dat mii dálonguovllu ovddidandoarjja lága 13 §:s mearriduvvo doarjjahámiin, heivehuvvo dán lágas oaivvilduvvon doarjjavuogádagaide. Earret ovtahávášbuhtadusa doarjjahámiid ovdalis oaivvilduvvon doarjjahámiid sáhtta ruhtadoarjaga lassin geavahit maiddái loanahápmásaš doarjagii.

Stáhtarádi ásahusa vuodul sáhtta addit dárkilet njuolggadusaid sierralágan doarjagiin, daid mearrašuvvama ákkain, nannemis, geavahančuozáhagain ja välljenmeannudeamis sihke geavahit oaivvilduvvon alimusdoarjjameriin ja -ossodagain. Dálonguovlovirgebáiki addá dárkilet

mearrádusaid dain čielggadusain, maid doarjjaohcci galgá ovdanbuktit áššáigullelaš doarj-
jahámi geavaheami doarjjan, sihke das, mo dáid čielggadusaid vuodul doarjja rehkenastojuv-
vo.

22 §

Fitnodatdoaimaplána

Doarjja mieđihuvvo, jos ohcci ovdanbuktá doarjunvuloš boazodoalu jodiheapmái guoskevaš
plána (fitnodatdoaimaplána), masa leat válđojuvvon mielde maiddái luondduealáhussii gul-
lelaš ealáhusaid dieđut, go ohccojuvvo doarjja dálloalu álggaheapmái. Fitnodatdoaim-
aplánas galget leat mielde 15—21 §:ain mearriduvvon eavttut ja doarjunvuloš doaimbidjui
guoskevaš dieđut. Dasa lassin plánas galget leat mielde doaimbiju ektui vuogas viidodagas
boazodoalu ja eará luondduealáhusaid jodiheapmái guoskevaš ulbmilat, vuogit ulbmiliid juk-
san dihte sihke árvoštallan doaimma ovdáneamis. Jos doarjja ohccojuvvo smávva investere-
mii, de fitnodatdoaimaplána ii dárbbášuvvo.

Fitnodatdoaimaplánas galget ovdanbuktojuvvot dat doaimbijut, mat dahkkojuvvojit 17
§:a 1 momentas oavvilduvvon čatnaseami ollašuttin dihte.

Stáhtaráđi áhahusa vuodul addojuvvojit dárkilet njuolggadusat fitnodatdoaimaplána sisdo-
alus sihke das, goas dasa ii leat dárbu.

26 §

Nuorra ealáhusbargi álggahandoarjaga eavttut

Nuorra ealáhusbargi álggahandoarjaga sáhtta mieđihit boazodoallái, guhte bargagoahtá
bohccuiguin vuosttas háve dan maŋŋá go lea váldán badjelasas boazodálu ja álgá boazodoalus
vástideaddji ealáhusbargin. Doarjaga sáhtta mieđihit maiddái eará luondduealáhusbargái, guh-
te bargagoahtá luondduealáhusain dan maŋŋá go lea váldán badjelasas luondduealáhussii
hejvvolaš dálu ja bargagoahtá vuosttas háve boazodoalu oktavuodas eará luondduealáhusain.

Álggahandoarjja ii mieđihuvvo badjel 41-jahkásaš doarjjaohccái.

Stáhtaráđi áhahusa vuodul addojuvvojit dárkilet njuolggadusat álggahandoarjaga vuodul
doarjut oavvilduvvon doaimmas ja dan álggahanáigemearis.

36 §

Stáhtaloana mieđihaneavttut

Loatnaaddi sáhtta mieđihit stáhtaloatnan dakkár loana:

1) man loatnaáigi lea guhkimustá 25 jagi;

37 §

Stáhtalotnii gullelaš doarjja

Stáhtalotnii gullelaš doarjjan sáhtá mieđihit reantovvdu, reantofriiddjavuoda, oanádusa friiddjajagi dahje luoitit geatnegasvuodas háhkat stáhtalotnii dáhkáhusa. Stáhtaloana doarj- jahámiid sáhtá ovttahttit seamma stáhtaloanas.

38 §

Reantodoarjaga mieđihaneavttut

Reantodoarjaga sáhtá mieđihit stáhtabušehtas jahkásaččat nannejuvvon reantodoarjjalo- anaid mieđihanfápmudusa olis dakkár loana várás, man:

- 1) loatnaáigi lea guhkimustá 25 jagi;
-

43 §

Doaibmabiju ollašuhttináigi

Eará doarjunvuloš doaibmabidju go dutkan- dahje čielggadanfidnu galgá ollásit ollašuhttot guovtte jagi sisa doarjaga mieđiheamis. Nuorra boazodoallái dahje luondduealáhusbargái ealáhusa álggaheapmái mieđihuvvon doarjaga doarjunvuloš doaibmabidjun adnojuvvo dalle dálu ja bohccuid háhkan. Doarjunvuloš doaibmabiju ollašuhttimii sáhtá goittotge ásahtit oanehet mearreáiggi, jos dasa gávdnojit ákkat doaibmabiju ollašuhttinvuogi dahje doaimma iešlági dáfus. Jos doarjja lea mieđihuvvon hukseninvesterema oktavuodas luovos opmodaga háhkamii iige háhkama sáhte ollašuhttit ovdalگو hukseninvesteren lea gárvvásmuvvan, de rehkenastojuvvo mearreáigi hukseninvesterema gárvvásmuvvamis.

44 §

Doarjaga geavahaneavttut

Go doarjja geavahuvvo dávviriid dahje bálvalusaid háhkamii dahje agoarttain bargga- heapmái, de heivehuvvo mii eanadoalu struktuvradoarjjalága 20 §:a 1, 5 ja 6 momeanttas ja 40 a §:s mearriduvvo.

45 §

Ruhtadoallogeatnegasvuohhta

Doarjjaoažžu galgá vurkkodit doarjunvuloš doaibmabidjui guoskevaš ruhtadoallomateriála nu go ruhtadoallolága 2 logu 9 ja 10 §:s mearriduvvo. Jos jearaldat lea Eurohpá Uniovna ollásit dahje muhtun muddui ruhtadan prográmmii gullelaš doarjagis, de ruhtadoallomateriála

galgá vurkkoduvvot uhcimustá golbma jagi das, go Eurohpá kommišuvdna máksá prográmma Eurohpá Uniovna manjimuš ruhtadanossodatmávssu.

48 §

Doarjjaohcamuš

Doarjja ohccojuvvo elektrovnnalaččat neahttabálvalusas, mii lea oassi dálonguovllu ovddi-dandoarjjalága 50 §:s oavvilduvvon diehtovuogádagas. Ohcci identifiserjuvvo neahttabálvalusas nana elektrovnnalaš identifiseremis ja elektrovnnalaš vuolláičállosiin addojuvvon lága (617/2009) 2 §:a 1 čuoggás oavvilduvvon identifiserenvuogi vuodul. Doarjjaohcamuša sáhtta dahkat maiddái dán ulbmila várás nannejuvvon skoviin, mii galgá vuolláičállojuvot.

Ohcamušii galget laktojuvnot doarjaga miedihaneavttuid árvoštallama dáfus vealtameaht-tun áššegirjiit, čielggadusat ja plánat.

Ohcamuš oktan čuvvosiiguin vurkejuvvojit diehtovuogádahkii ja giedahallojit dan manjá eanaš elektrovnnalaččat. Skoviin dahkkojuvvon ohcamuš arkiverejuvvo elektrovnnalaččat, jos sierra siva dihte ii meannuduvvo nuppeláhkai.

Dálonguovlovirgebáiki addá dárkilet mearrádusaid doarjaga ohcamis geavahit oavvilduv-von skoviin, 2 momentas oavvilduvvon čuvvosiin sihke plánaid ja čielggadusaid ovdanbuk-tinvuogis ja elektrovnnalaš ohcama meannudanvugiin.

49 §

Doarjaga ohcan

Doarjaga ohcamii sáhtta ásahuvvot mearreáigi. Jos mearreáigi ii ásahuvvo, de doarjjaohca-mušaid sáhtta čoavdit doarjjabajiid mielde. Doarjjaohcamuš galgá doaimmahuvvot ELY-guovddáži.

Doarjaga ohcamii ásahtit oavvilduvvon mearreáiggis ja doarjjabajiin sáhtta addit dárkilet njuolggadusaid stáhtaráđi ásahusa vuodul. Dálonguovlovirgebáiki addá dárkilet njuolgga-dusaid doarjjaohcama vuostáiváldima ja giedahallama teknihkalaš lágideamis, ohcamušášše-girjiide merket oavvilduvvon merkejumiin sihke skoviin dahkkojuvvon doarjjaohcamušaid sirdimis diehtovuogádahkii.

Doaibmaválddálaš eiseváldin doaibmá Lappi ELY-guovddáš, jos manjelis 119 §:s dahje 127 §:a vuodul ii nuppeláhkai mearriduvvo.

52 §

Sámedikkiin ráđđádallan

Ráđđádallamiin galget giedahallojuvnot čuovvovaš áššit:

2) ruđaid stivren boazodollui ja eará luondduealáhusaide;

57 §

Ruhtadoarjjahápmásaš investerendoarjaga, vistehuksendoarjaga ja bálgosa áiddiid bajásdoallamii mieđihuvvon doarjaga máksin

Boazodoallo- dahje luondduealáhusfitnodaga várás mieđihuvvon investerendoarjaga ja vistehuksendoarjaga sihke bálgosa investerendoarjaga ja áiddiid bajásdoallandoarjaga máksin ohccojuvvo 48 §:a 1 momeanttas oaivvilduvvon neahttabálvalusa bokte. Doarjaga máksinohcamuša giedahallamii heivehuvvo, mii doarjjaohcamuša giedahallamis 48 §:s mearriduvvo. Máksinohcamuša sáhtá dahkat maiddái dán ulbmila várás nannejuvvon skoviin, mii galgá vuolláičállojuvvo. Ohcamuša guođdimii sáhtá ásahit govttolaš mearreáiggi, mii rehenastojuvvo doarjjamearrádusa dahkama rájes dahje, jos jearaldat lea doarjunvuloš doaibmabiju mañimuš máksinohcamušaš, de doarjunvuloš doaibmabiju ollašuttima rájes. Ohcamuš galgá doaimmahuvvot doarjaga mieđihan ELY-guovddáži.

Ruhtadoarjaga sáhtá máksit eanemustá viđa earis. Ruhtadoarjjan máksojuvvo eanemustá doarjjadási sihke mieđihuvvon doarjaga meari vástideaddji ossodat máksinohcamuššii gullevaž dohkálaš goluin. Doarjjaoažžu galgá dárbbu mielde ovdanbuktit čielggadusa priváhta ruhtadeami ollašuvvamis.

Ruhtadoarjaga sáhtá máksit, jos doarjjaoažžu lea čuvvon doarjjaeavttuid. Dasa lassin máksima eaktun lea ahte doarjjaoažžui galgá leat duođaidge loahpalaččat čuohcán namuhuvvon gollu, mii sáhtá gávnnavuvvot ja dasa lassin ruhtadoarjaga galgá geavahuvvot doarjunvuloš doaibmabidjui. Jos ruhtadoarjaga lea mieđihuvvon hukseninvesteremii, de mañimuš earri máksojuvvo, jos hukseninvesteren lea ollásit dahkkojuvvon doarjjamearrádusa mielde. Máksinohcamuššii galget laktojuvvo ruhtadoarjaga máksineavttuid dáfus vealtameahttun ruhtadoalloáššegirjjit ja čielggadusat. Vistehuksemii mieđihuvvon doarjaga máksimii ii goittotge dárbbáš ovdanbuktit ruhtadoalloáššegirjjiid, muhto galgá baicce čájehit ahte huksendoibmii lea álgojuvvon nugo dohkkehuvvon goluin boahtá ovdan.

Dárkilet njuolggadusat golu duođalašvuoda, loahpalašvuoda ja gávnahahttivuoda árvoštallanákkain sihke gárvisvuodadási čájeheamis addojuvvojit stáhtaráđi ášahusa vuodul. Ruhtadoarjjahápmásaš investerendoarjaga máksineriin ja máksinohcamuša guođdimma mearreáiggis sáhtá addit dárkilet njuolggadusaid stáhtaráđi ášahusa vuodul. Dárkilet mearrádusaid mávssu ohcamis geavahit oaivvilduvvon skoviin sihke máksinohcamuššii laktit oaivvilduvvon áššegirjjiin ja čielggadusain addá Dálonguovlovirgebáiki.

61 §

Loktenlohpi

Lobi doarjunvuloš loana dahje dan eari loktemii mieđiha ohcamuša vuodul ELY-guovddáš. Loktenlobi ohcamii heivehuvvo, mii 57 §:a 1 momeanttas mearriduvvo mávssu ohcamis. Ohcamuššii galget laktojuvvo 57 §:a 3 momeanttas oaivvilduvvon áššegirjjit. Loktenlobi ohcamii sáhtá ášahuvvot mearreáigi, man sáhtá guhkidit oktii ovdal mearreáiggi nohkama dahkkojuvvon ohcamuša vuodul. Mearreáiggi guhkideapmái galgá leat dohkálaš sivva.

70 §

Stáhtaloanaid ruđaid sirdin

Nuppástusat, mat dahkkojuvvojit stáhtalotnii fitnodaga sanerenlága (47/1993) mielde dahkkojuvvon ordnestallamis dahje priváhtaolbmo vealgeordnestallanlága (57/1993) mielde dahkkojuvvon ordnestallamis, dahkkojuvvo maiddái loatnalágádusa ja stáhta gaskasaš vealgái.

73 §

Stáhtavástu

Stáhtaloana dáhkádussan geavahuvvon opmodaga eaktodáhtolaš ruhtan muhttin loana ruovttoluottabearramii čuoheci vuogi mielde oažžu dahkat dušše ELY-guovddáža guorraseami vuodul.

89 §

Fitnodatdoaimaplána čuovvun

Doarjjaoažžu galgá ovdanbuktit fitnodatdoaimaplánii gullelaš ulbmiliid ja doaimabijuid ollašuvvančielggadusaid ELY-guovddáži.

Stáhtaráđi ásaheami vuodul addojuvvojit dárkilet njuolggadusat 1 momeanttas oavvilduvvon čielggadusaid sisdoalus. Dálonguovlovirgebaiki addá dárkilet mearrádusaid čielggadusaid ovdanbuktinvuogis sihke daid doaimmaheamis ELY-guovddáži.

91 §

Čuovvuma diehtovuogádat

Čuovvuma diehtovuogádahkii sáhttet vurkejuvvoht ohccái, doarjjaoažžui, doarjunvuloš doaimabidjui ja doarjaga geavaheapmái guoskelaš čuovvovaš dieđut:

3) fitnodatdoaimaplánii ja huksenplánii gullelaš dieđut;

92 §

Dieđuid vurkkodeapmi

Diehtovuogádahkii gullelaš dieđut vurkkoduvvojit logi jagi doarjaga mieđihanmearrádusa dahkama rájes. Jos doarjja lea mieđihuvvon, de dieđut vurkkoduvvojit logi jagi ruhtadoarjaga mañimuš eari máksima rájes dahje stáhtaloana dahje reantodoarjaga vuollásaš loana mañimuš

eari loktema rájes, goittotge nu guhká go reantodoarjja máksojuvvo. Stáhtadáhkádussii guoskevaš dieđut vurkkoduvvojit dáhkádusa gustonáiggi dahje, jos dáhkideaddji vástu lea ollašuvvan, nu guhká go dáhkádusoažžuma sáhtá bearrat. Stáhtalotnii guoskevaš dieđut galget vurkkoduvvot nu guhká go loatnalágádusas lea stáhtalotnii guoskevaš oažžun loatnaoažžus dahje, jos loatnaaddi lea ohcan stáhtaloana buhtadusa Dálonguovlovirgebáikkis, gitta dassái go buhtadusoahcamuš lea lágafámolaččat čovdojuvvon. Jos jearaldat lea Eurohpá Uniovnna muhtun muddui ruhtadan prográmmii gullevaš doarjagis, de dieđut vurkkoduvvojit dasa lassin vihtta jagi das, go Eurohpá kommišuvdna máksá prográmma Eurohpá Uniovnna mañimuš ruhtadanossodatmávssu.

94 §

Dárkkisteami dahkan

Vai dárkkisteapmi šaddá áššáigulleaš vuogi mielde dahkkojuvvo, de dárkkistanbargui sáhtá fápmuduvvot olggobeale ruhtadoalodárkkisteaddji. Ruhtadoalodárkkisteaddji galgá leat ruhtadoalodárkkistanlágas (1141/2015) dahje almmoshálddahusa ja -ekonomiija ruhtadoalodárkkistanlágas (1142/2015) oaivvilduvvon ruhtadoalodárkkisteaddji dahje ruhtadoalodárkkistansearvvuš. Ruhtadoalodárkkistansearvvuš galgá nammadit ruhtadoalodárkkisteamis vástideaddji ruhtadoalodárkkisteaddji. Dárkkistanbarggu hárrái heivehuvvojit hálddahusláhka (434/2003), giellalahka (423/2003), sámi giellalahka (1086/2003) sihke eiseválddi doaimma almmolašvuodalahka (621/1999). Ruhtadoalodárkkisteaddjái heivehuvvojit rihkusvuoigatvuodalaš virgevástonjuolggadusat, go son čađaha dárkkisteami. Vahátbuhtadusa birra mearriduvvo vahátbuhttenlágas (412/1974).

Bolesa geatnegasvuodas addit virgeveahki mearriduvvo boleslága (872/2011) 9 logu 1 §:s.

97 §

Doarjjaoažžu almmuhangeatnegasvuohta ja ovdadiehtu

Doarjjaoažžui sáhtá bivdaga vuodul addit čadni ovdadieđu das, dagahago plánejuvvon doaibmabidju, mii guoská 17 §:a 1 momeanttas oaivvilduvvon čatnaseapmái, fitnodatdoaibmaplánii, jođihuvvon ealáhussii dahje doarjunvuloš opmodaga nuppástuvvamii dahje luohpa-deapmái, 95 §:a 1 momeanttas dahje 96 §:s oaivvilduvvon čuovvumuša. Ohcamušas galgá jerojuvvo čielgasit, mas ovdadiehtu ohccojuvvo, ja galgá dahkkojuvvo ášši čoavdin dihte dárbblaš čielggadus. Ovdadihtui guoskevaš ELY-guovddáža mearrádus lea fámus jagi dan addima rájes. ELY-guovddáš ii sáhte spiehkastit iežas addin ovdadieđus muđui go dalle, jos ohcci ii leat ollašuttán iežas doaibmabiju nu go ovdadihtui guoskevaš ohcamušastis lea ovdanbuktán dahje jos ohcci lea ovdanbuktán ovdadieđu oažžun dihte boasttolágan dahje váilevaš dieđu.

111 §

Mearrádusa mávssuvulošvuohta

Dán lágas oaivvilduvvon mearrádus boahdá ohccái ja doarjjaoažžui nuvtá. Meahciráđdehusa mearrádussii sierra ovddus ja 97 §:a 2 momanttas oaivvilduvvon ovdadihtui guoskevaš mearrádussii heivehuvvo, mii stáhta máksinággalágas (150/1992) mearriduvvo, goittotge nu ahte dakko bokte go mearrádus guoská sierra ovdui gullevaš doarjjagii, de mearrádus boahdá nuvtá.

114 §

Teknikkalaš veahkki

Teknikkalaš veahki geavaheamis dán lágas oaivvilduvvon doarjaga ollašuttimii heivehuvvo, mii teknikkalaš veahki geavaheamis dálanguovllu ovddidandoarjjalága 65 §:s mearriduvvo.

117 §

Fápmuiboahdin

Dát láhka boahdá fápmui odđajagemánu 1. beaivve 2016.
Dáinna lágain gomihuvvo boazodoalu ja luondduealáhusaid ruhtadanláhka (45/2000).
Dát láhka heivehuvvo 3 §:s oaivvilduvvon doarjjavuogádagaide, mat leat válđojuvvon atnui stáhtaráđi ásaheami vuodul.

Dát láhka boahdá fápmui odđajagemánu 1. beaivve 2016.
Dáinna lágain gomihuvvo boazodoalu ja luondduealáhusaid struktuvradoarjjalága 2 ja 8 §:a rievdeamei birra addojuvvon láhka (32/2014).
Dán lágas 11 §:a 2 momanta ii heivehuvvo, jos Eurohpá kommišuvdna ii leat guorrasan dása.

Helssegis juovlamánu 30 beaivve 2015

Dásseválđdi presideanta

Sauli Niinistö

Johtalus- ja kommunikašuvdnaministtar Anne Berner